

Jako jermal, nañinmij ak bōjrak jermal kin Coronavirus?

Buki taujin armij ilo Washington emōj an jako jermal ko aer, renañinmij, ak ebōjrak jermal ko aer kin ajeededin nañinmij eo an Coronavirus (COVID-19). Ewōr jibañ ñan kwe im baamle eo am ilo jorren in elab.



Imaron ke tōbrak ñan jibañ ko ikijen bōjrak jermal?

Ebidodo lok kiō am maron tōbrak kin oktak ko an kien ko an state im federal jen ien eo ear ajeeded kij in nañinmij eo. Elōñlok an wōr jibañ ko ñan elōñ armij, ekoba armij ro rej jermal ilo awa ko redik (part-time), ro rej jermal ñan er make, ak ro rej make koontōreak ak ro emaron kar diklok awa ko aer ak ro renañinmij. Lale elañe kwōmaron tōbrak ilo am lale [laajrak in](#).



Jete jāān eo imaron loe?

Ekkārere, im kwōbañ jelā mae ien eo kwōnaj kanne am beba.



Ñaat eo inaj loe jibañ eo?

Aikuj ñan jibañ ko an bōjrak jermal elablok joñan jen kar mokta, im kumi eo ilo Ra eo ej bōk eddon kejbarok kakien ko an rijermal ilo Washington (Washington Employment Security Department) rej lukkun jermal in kamōkaj ien kōmadmōd eo ñan kwe. Eñin ej nuuj eo auroktata ñan kwe: kwōnaj loe aoleb kolla ko remuri ibbam, rool ñan raan eo kwar jino maron tōbrak. Melelein ñe kwar jab maron kanne am beba kinke kwar jab maron tōbare obij eo, enaj iwōj kolla ko.



Ak ñe ear bōjrak aō jermal bwe in lale juon uwaan baamle eo aō ewōr kar COVID-19 ibben ak ñe ajiri ro nejr rar jab maron etal in jikuul im ejellok rilale er?

Kin an wōr jibañ ko relablok ilo ien an ajeeded COVID-19, elōñ jekjek ko renaj kōmman bwe kwōn tōbrak ñan jibañ ko. Waanjonok ko ekoba:

- Kwōj aikuj bed mweo imōm im lale ajiri ro nejum kinke ekilōk jikuul ko.
- Jikin jermal eo am ear kilōk, im kwōjab maron jermal jen mweo imōm.
- Kwōjab maron etal ñan jikin jermal eo kin jemlok eo “Bed wōt mweo imōm, Kejbarok ejmour” im kwōjab maron jermal jen jikin ko rettolok ak kein jermal kabel ko ilo mweo imōm.
- Emōj an diklok awa ko am ilo jikin jermal kin jelōt ko jen COVID-19.
- Kwōj juon rijermal eo edik awa ko an (part-time) im ekkā am jab maron tōbrak ñan jibañ eo an bōjrak jermal.
- Kwōj jermal ñan kwe make ak kwōj koontōreak ibben make.



Ij jermal ñan na make im iar jab maron tōbrak ilo tōrre ko moktalok. Ta eo ij kōmmane kiō?

Ro rej jermal ñan er make, einwōt ro rej make koontōreak, remaron tōbrak elañe kij in nañinmij eo ear kōmman bwe kwōn jab jermal.

Mokta jen am kanne beba, [download ae laajrakin mennin aikuj ko](#), im renaj jibañ kwe kin kōmadmōdin ablikajon eo im jab kōmmani bōd ko rekkā renaj karumijlok ablikajon eo am.



Iar kōjermal jibañ ko aō ikijen bōjrak jermal ilo yiō eo lok. Ij ke maron wōt tōbrak?

Aet, kwōmaron bar tōbrak ak maron tōbrak ñan juon jermal in kaitoklok kin 13 wiik.



Ña juon rijermal ejellok an beba in deloñtok ak jermal ilo Amedka. Ij ke maron wōt tōbrak ñan jibañ?

Ej aikuj wōr am beba in kōmelim am jermal ilo Amedka bwe kwōn maron tōbrak ñan jibañ ko an bōjrak jermal im jibañ ko relablok an bōjrak jermal. Bōtab, rejab lale jekjekin am bed Amedka ñan am maron tōbrak ilo burokraam in kakkije an baamle im taktō an state (Paid Family and Medical Leave program). Innem, ñe elukkun kauwōtata nañinmij eo am ak kwōj lale juon eo elukkun kauwōtata nañinmij eo an, burokraam in emaron jibañ kwe. Bōk melele ko relablok ilo [paidleave.wa.gov](#) ak tometiempo.org.

Emōj an state eo bar kōmmāne juon website (coronavirus.wa.gov) ñan ajeededin coronavirus kin kein jibañ ko im lewaj jibañ ilo ien jorren in. [Kajitok kein Rekut \(These FAQs\)](#) remaron bar lewaj jibañ.



Ewi wāween aō kanne beba ñan joortoklik eo an bōjrak jermal?

Ewōr ruo wāween am kanne: online ak talebon. Website eo (esd.wa.gov) ej wāween eo emōkajtata ñan am kateruru im ebōk jibañ ilo am kōjermal laptop ak kombutor. Kwōmaron bar kōjermal talebon, bōtab ebin lok am naj kajinet kobban. Ñan am kateruru ilo talebon kūrlok 800-318-6022.

Mokta jen am kateruru, download ae laajrakin mennin aikuj ko an ablikajon eo ijin.

Elukkun lab kall ko rej itōk kiō, innem emaron bin am tōbar kim ilo awa in bijnej ko rekkā ([awa im melele ko an jikin claim eo](#)). Ñe erumij am kateruru, kwōn jelā ke kwōnaj loe aoleb kolla ko remuri ibbam, rool liklok ñan raan eo kwar jino maron tōbrak.



Ta eo enaj walok ilo kōmadmōdin ablikajon eo?

Kōmadmōd eo emaron kabokbok, innem aurok am etale melele eo ilo website eo im kōjermal laajrakin mennin aikuj ko im bideo ko ñan jibañ am kebooj aoleb mennin aikuj ko. Elōñ laajrak ko kwōj aikuj loor, im ñe ekkā am jab kujon maron tōbrak ñan jibañ eo am bōjrak jermal, kinke edik awa in jermal ko am (part time), kwōj jermal ñan kwe make ak kwōjab maron jermal kin an kilōk jikuul eo an ajiri eo nejum, kwōnaj aikujin kateruru ñan jibañ eo ekkā an bōjrak jermal mokta im jab teru mokta jen am kateruru ñan jibañ ko an bōjrak jermal relablok (etannin jibañ eo an bōjrak jermal jen jorren eo elab emōj an jelōte aoleben lal in, PUA).



Ewi wāween aō jelā kin aoleben oktak ko rej walok?

Website eo amim ej kōkkāāl melele ilo an itok melele ko rekāāl. Kwōmaron bar kadeloñ etam bwe en iwōj kōjella ko ilo email ilo kajin belle ilo website eo [ijin](#).

Bōk melele ko relablok ilo esd.wa.gov.

KÖKKÄÄL-01.15.21